


士

館課

三月下旬



12

門生張瑞徵

蒼厚堅

老識議

更自英

偉

蕭曹丙魏相業評

史稱漢高之相蕭曹為冠宣帝之世丙魏有聲跡其功業垂諸簡冊洵一時之賢相哉若折衷不無軒輊于其間非寬于論小臣而嚴于論大臣也蓋一代之治微獨君自為之皆相臣之力為多若遭遇明聖而不克致主于唐虞三代之隆君子終不敢以禹臯稷契伊周之儔許之彼固於道有全有不全也高帝提三尺劍五年而成帝業謀臣若良平武臣若信越功烈爛焉其

入咸陽也何獨收秦圖籍其才識已有過人者若

夫轉餉關中軍食無匱乏緊惟鄼侯之功與富

平為齊相不擾獄市至代何為相能守清靜

之治夫何固刀筆吏也參從事戎馬之間亦師武

臣之列耳而能定律畫一俾參守之猶能安靜

無為厥後文景之恭儉庶幾成康亦二臣預有

以培之也然高帝之姐醢功臣何亦幾不自保至

屢用狙詐不聞有所匡正鄼侯致主之道從可

知矣况漢有為之主也蕭曹相繼為相不能與

錯綜之
致可謂
老筆於
披

禮樂以致太平使儒者有雜霸之譏君子所以

深惜也宣帝之立保護之勲首推博陽而能口不

言功其氣量過度人遠矣况立朝寬厚又豈高平

之嚴刻所能窺其津涯也耶然不問殺傷而問牛

喘以謂燹理之職固自應爾夫何三光失明不免

見于望之也高平之附許史立身已有不得其正

者矣矧以宣帝之精察而相復以嚴苛輔之不止

博陸之族京兆之殺為士君子所深詆已也雖曰朝

政式序公卿不失職亦宣帝親歷田間躬習吏事

通鑑

卓識
名言

老更斷
案

所致豈相翊贊之力也哉嗟：許史之功不逮博陽
魏相之進實由許史許史專柄遂釀王氏之禍望
之誅戮已啟恭顯之亂漢室中興之業稱宣帝而
漢業之衰亦由宣帝古之大臣以身繫天下之治亂
以道繫主德之污隆以視丙魏又何如也總之鄼侯
值開創之始感遇風雲博陽當守成之會會濟主艱
難事不同而功同皆功有餘于德者也陽平之才似
不及鄼侯而博陽之忠遠邁高平魏相道不足以
正君才不足以致治雖丙魏同稱而挈量比德可

以觀其優劣矣噫王佐之才三代而下豈易言也哉

錦樹行

長安三月識春歸夾道繁花撲面飛溪邊煙
雨漾新綠桃李紛披梨花肥丹霞忽照西山
紫晶瑩疑濯錦江水枝橫廣陌隔珠簾掩映
宮闕雲中起玉勒雕鞍鬪芳菲十二樓臺羅
綺花開花落復何時九十春光已如此春光簇
傍朱楹晴日偏繞千樹鶯笑日競妍委幽壑
何如移植錦官城欲訪仙源渾莫辨城中日暮

繁歌笙年來久負青山約
漁樵應見故人情暫送
春歸酌綠醕溜塵一滌露華清

